

04.04.2019.



Upravni odbor Udruženja poslodavaca BPK Goražde održao je 04.04.2019.godine 49. redovnu sjednicu, desetu u novom sazivu, na kojoj se našlo 12 tačaka dnevnog reda.

Upravni odbor je nakon usvajanja Zapisnika sa predhodne sjednice i primanja k znanju informacije o aktivnostima između dvije sjednice, donio Odluku o održavanju 13.redovne Skupštine Udruženja poslodavaca BPK Goražde koja će se održati 10.04.2019.godine.

Upravni odbor je utvrdio dnevni red za Skupštinu, te utvrdio prijedloge Izvještaja o radu Udruženja poslodavaca BPK Goražde za 2018.godinu, Programa rada za 2019.godinu i Finansijskog plana za 2019.godinu.

Kako je zaključeno fokus u 2019.godini bit će na rasterećenju privrede i stvaranju boljeg poslovnog ambijenta i pružanja još boljih usluga članicama Udruženja, te konstantno promovisanje poslodavaca.

Upravni odbor je u nastavku sjednice razmatrao informaciju o održanim sjednicama Ekonomsko-socijalnog vijeća BPK Goražde u kojoj je konstatovano da je održano četiri sjednice od potpisivanja Anexa na Sporazum, te da se na sjednicama razmatralo mnogo važnih tačaka, počevši od Nacrta i prijedloga Budžeta BPK Goražde, Nacta Zakona o unapređenju lokalnog poslovanja, te mnogih drugih tačaka. Zaključeno je da će se u narednom periodu insistirati da

se na dnevnom redu razmatraju tačke koje se odnose na rasterećenje privrede.



Do kraja sjednice Upravni odbor je informaciju o promjenama na evidenciji Službe za zapošljavnaje BPK Goražde za period decembar 2018- februar 2019.godine, u kojoj je uočeno da je više osoba prijavljeno na evidenciju Službe, nego što ih se sa evidencije Službe zaposlilo u radni odnos. Upravni odbor je zabrinut ovom činjenicom, te je zaključeno da će se i dalje pratiti ovi podaci, te u skladu sa ovlaštenjima poduzimati određene radnje.

Na kraju sjednice razmatrana je informacija o analizi registra parafiskalnih nameta na području FBiH i BiH, te zaključeno da se trebaju poduzimati određene radnje po pitanju smanjenja raznim nameta koji su opterećavajući za poslodavce.